

LA QUOTIDIANA

Editura: Somedia Press AG  
 Editor: Hanspeter Lebrument  
 CEO: Thomas Kundert

Editura Somedia  
 Via Sommerau 32, 7007 Cuir; tel. 081 255 50 50, mail: verlag@somedia.ch

Redacziun responsabla:  
 Fundaziun Medias Rumantschas (FMR):  
 Schefredactor FMR: David Truttman (dat)  
 Substituts schefredactor FMR:  
 Hans Huonder (hh), Sandro Buchli (sb)  
 Redacziun FMR:  
 Augustin Beeli (abc), Andreas Cadonau (ac),  
 Daniela Derungs (dd), Flurin Andry (fa, correctorat),  
 Gabriela Desax (gd, correctorat),  
 Madlaina Capeder (mc, correctorat),  
 Annatina Felli (afi), Martin Cantieni (mar),  
 Matia Demarmels (md), Nadja Lucchinetti (nl),  
 Susi Rothmund (sr), Andri Netzer (an),  
 Angelica Augustin (aa), Martin Gabriel (mg),  
 Tanja Augustin (ta), Pia Plaz (pp).

Adressas redacziunalas:  
 FMR Fundaziun Medias Rumantschas,  
 Via da Masans 2, 7000 Cuir, 081 544 89 10  
 mail: redacziun@fmr.ch  
 secretariat: 081 544 89 11

www.fmr.ch

Servetsch d'abunents e da distribuziun:  
 Via Sommerau 32, 7007 Cuir, tel. 0844 226 226, mail: abo@somedia.ch

Inserats:  
 Somedia Promotion,  
 Städtlistrasse 12, 7130 Glion  
 tel. 081 920 07 17, fax 081 920 07 18,  
 mail: ilanz.inserate@somedia.ch

La Quotidiana cumpara tschintg giadas ad emna  
 Ediziun derasada, Südostschweiz cumplet:  
 69 795 exemplars (WEMF, 2020)  
 Derasaziun: 161 000 lecturas e lecturs  
 (MACH-Basic 2021-1)

La Somedia Press AG è possessura dals titels  
 «Fögl Ladin», «Gasetta Romontscha», «Casa  
 Paterna/La Pünt» e «La Vouch da Surmeir».

Pretschs d'abunaments sut:  
 www.suedostschweiz.ch/aboservice

Communicaziun da participaziun considerablas  
 sin fundament da art. 322 CP:  
 nagin

© Somedia

PLED SIN VIA

Ils zardins suspais da Semiramis

ANNA RATTI

In quist mais cha tuot cultiva üerts e curtins pudessan interessar ils zardins suspais da Semiramis, chi eiran üna da las set müravaglias mundielas.

Semiramis eira üna regina da l'orient, da Babylon, cun granda influenza. Pera es gnida creeda per ella e tres ella la müravaglia dals zardins suspais.

Els eiran miss sün terrassas uschè cha's crajaiva cha las plauntas creschissan sur la terra direct in tschèl. E que in üna cited dal desert. Tres üna geniela construcziun da chanel gniva purteda l'ova da las muntagnas fin in cited e süllas terrassas.

Perche avregia Semiramis vulieu l'ascher construir quists stupends zardins cun plauntas multifaras? Ella avregia gieu la listessa brama ed il listess svung da creer qualchosa da bel scu las masseras ed ils zardiniers da noss temp.

Passand per il cumün sun be buocha aviarta a vzair tuot que chi vain cultivo, tuot que chi crescha e flurescha. Eau am met avaut cha l'orma da tuot quels e quellas chi faun cun chüra e zeli quista lavur es pelvaira eir plain cu luors.

Quist'imegna pudess valair eir per minchün da nus chi tschercha da svilupper ils talents da sia orma. Scu pudessans ils cultivar? D'inoonder piglians l'ova chi do al spiert il curaschi

«Passand per il cumün sun be buocha aviarta a vzair tuot que chi vain cultivo, tuot que chi crescha e flurescha.»

da crescher? La nudritüra per quist zardin intern saregia tuot que chi es bel e ans fo plaschair. Que po esser üna poesia, üna melodia, ün inscunter cun amihs ed amias, ma surtuot avair temp e temp per tadler a se stess.

Eau m'imagesch cha mieu cour es ün zardin fich multifar. Na be cun fluors, ma eir lös d'inchaunt cun müs-chel verdin, cun bels böschs, cun ün lej. Tiers vegnan alura eir ils splers, ils utschels e otras bes-chas, e mieu cour dvainta üna spezcha da paradis, saviant cha il cour es collio cun tschèl e terra, ün fluid divin.

Important es eir cha in mieu cour poss metter na be ils bels sentiments, ma eir tuot il rest: cordöli, rabbia, tschertas noschdets, cuort – tuot que chi am conturbra. La müravaglia es cha'l cour accepta tuot e'l transmüda in bellezza.

Eau giavüsch cul Psalm 20/5 a tuot las zardinieras e massers: Il Segner at dess conceder ils giavüschs da tieu cour ed accumplir tuot que cha tü pigliast per mauns!

Anna Ratti è naschida e creschida si a Malögia, ha passentà la vita en divers lieus cun varsaquants professiuns, e viva oz puspè en Bregaglia. En collavuraziun cun RTR publitgescha la FMR adina en la davosa ediziun da gasetta da l'emna il «Pled sin via». Quel è alura era d'udir mingamai la dumengia tar RTR, en l'emissiun «Vita e cretta».

Intgins trumfs grischuns

L'occurrènz naziunala dal tir va en la fasa finala. Oz e damaun ha lieu a Lucerna la concurrènza dals chantuns. Dumengia vegnan eruids en sis categorias ils retgs e las reginas da la festa federala da tir. Da la partida tar la culminaziun da la festa èn er 23 tiradurs e tiraduras dal Grischun.

GION NUTEGN STGIER/FMR

Anc trais dis cuzza l'ediziun da la festa federala da tir 2020. L'on passà han ils organisaturs gi da renunziar a l'occurrènza pervia da la pandemia. Il tir federal è vegnì spustà per in onn cun intginas midadas. Tratg è betg mo vegnì a Lucerna e conturn, mabain ha mintga uniun da tir sajettà l'ultim mais ses program a chasa sin l'agen stand da tir. Sa participads a la festa federala da tir èn passa 30 000 tiradurs e tiraduras. Tratg plirs stetgs han lura er radund 1500 tiradurs e tiraduras dal Grischun. A partir dad oz fin dumengia saira suanda la culminaziun da la festa federala da tir cun la concurrènza dals

chantuns e cun ils tirs finals da mintga categoria.

Tut entschaiva da nov

Per insomma esser da la partida al tir final han ils participants e las participantas stui sajettar plirs stetgs. Suenter ils tirs da qualificaziun è lura sa mussà che cunzunt ils tiradurs grischuns da la distanza da 300 meters èn pronts per il grond final da dumengia proxima. En ils finals vegn sajettà ina prerunda e suenter quella restan da 72 tiradurs (categoria A e D arma da sport ed arma 57/03) be pli ogt dels che sajettan la runda finala tenor sistem da cup. En la categoria E (arma da militar) èn da la partida en la prerunda 54 ti-

radurs ed il final sajettan lur er ogt participants. En las concurrènzas finalas da dumengia entschaiva per tuts tut da nov, uschia che per tisiun è segir procurà.

Robert Studer ed Andri Krebs

Persvas en la qualificaziun han cunzunt Robert Studer ed Andri Krebs. Studer ha schizunt gudagnà la qualificaziun (categoria E) quai cunzunt cun er sajettar en in steg en schanuglias in resultat da vaglia. El tutga segir en quella categoria tar in dals gronds favurits per daventar retg da tir. Dentant èn quella categoria ha la delegaziun grischuna anc ulteriurs trumfs gist cun Hermann Jemmi, en Svizra in grond numer en il sport da tir ed er

cun Walter Widmaier, il tiradur-veteran da 77 onns. Krebs el ha lura sajettà ferm en la categoria D (arma 57/03) e cuntanschè suenter ils tirs da qualificaziun il terz post. El vegn sgir er a far buna parada en quella concurrènza finala. Quai vala lura er per Alessandro Rota e Carl Frischknecht, omadus triadurs cun ina gronda experiènza. Sin la distanza da pistola 50 meters è dalla partida cun Elmar Fallet in tiradur che conuscha ils plazs da podest è il Jauer en Svizra in dals pli ferm tiradurs da pistola ed er anteriur campün svizzer. Cun l'arma da caliber pitschen è il Grischun ferm represchentà en il final cun Annina Tomaschett e Lars Färber, omadus cun schanzas da far ina meda-

glia. Er en la concurrènza dals chantuns han las gruppas grischunas segir la qualitad da turnar da Lucerna cun pliras medaglias.

Ils Grischuns e las Grischunas

300 meters categoria A-E

Georg Maurer, Favugn, Remo Capeder, Laax, Andri Krebs, Sent, Alessandro Rota, Vicosoprano, Carl Frischknecht, Tumeagl, Norbert Caviezol, Cuir, Dirk Frischknecht, Tumeagl, Robert Studer, Castrisch, Hans Peter Lötscher, Pany, Hans Luzi Stucki, Valendau, Roni Montalta, Winterthur, Hermann Jemmi, Castrisch, Walter Widmaier, Aschera, Otto Bass, Sumvitg, Joel Lukas Mark, Tusaun, Ralf Komminoth, Maiavilla.

Pistola 50 meters

Elmar Fallet, Müstair, Roman Clavadetscher, Vaz sut, Sybill Tscharner, Aschera.

Pistola 25 meters

Daniel Clavadetscher, St. Maria

Arma caliber pitschen 50 meters

Annina Tomaschett, Trun, Lars Färber, Favugn, Anna Laura Klucker, Tumein.



Schanzas da far in bun resultat ha segir er Annina Tomaschett sin la distanza da 50 meters. FOTO HANS HUONDER



Robert Studer, in dals candidats grischuns per daventar retg tiradur a Lucerna. FOTO GION NUTEGN STGIER